

Zeitschrift: Nebelspalter : das Humor- und Satire-Magazin
Band: 90 (1964)
Heft: 43

Illustration: Im Reich der Reichen
Autor: Haëm, Hans [Meury, Hans Ulrich]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 16.05.2025

ETH-Bibliothek Zürich, E-Periodica, <https://www.e-periodica.ch>

Im Reich der Reichen



Am Hitsch si Mainig



I mag mii no guat ärrinnara, wia ma übar da Walter Robert Corti glahhat und gschpöttlat hätt, won är vu siina Plään vunama Khindardorf varzellt und gschribba hätt. Är sej a Fantascht und hej khai Boodan untar da Füaß und vor allam hej är khai Gäld und ooni Gäld sej in Sahha Peschtalozzi-Khindardorf nüüt zmahha – ebba, wells hütt khai Peschtalozzi mee hej. – zTrooga schoot hütt a

wältberüamts Khindardorf, well dar Walter Robert Corti, allna Schwirrikhaita zum Trotz, nitt lugg loo hätt. Imm isch dar Tokhtar eerahabar varliihha worda. Nitt vunara Schwizzar Uniwärstätät – är isch halt nitt Bankhtiräktar .. Gnau vor zähha Joor hätt dar Härr Tokhtar Corti siina «Plan der Akademie» vorgstellt. A Sidlig sötti bbaut wärda, wo Glehrti uss da ganza Wält und uss allna Wüsansgebiat zemma khoo khönnand, zum dött schtudiara. Irgand ai Problem, sejs a tächnischas, a mediziinischas, a sozioloogischas odar a filosoofischas, söll vu allna Sitta belüüchtat und duuraschtudiart wärda – zum Nutza vu dar ganza Mentschhait. Also im Sinn vum Platon, abar modärn uufgfaßt, wemmas asoo sääga tarf.

Sitt fasch zähha Joor suacht dar Härr Tokhtar Corti, zemma mit siina Fründ, a Platz für dia Akademii. Platz für khliini Hüüsar für dia ainzalna Glehrta, Hüüsar für Bibliotheeka und söttigi mit Sää und Khomfarenzzimmar. Khurz: Platz für a khliins Dorf. Und jetz isch a Platz gfunda worda! In dar «Langabuach», hoch dooba übaram Dorf Uetikon am Zürriisee, söll

noch andarthaltuusig Joor widar an Akhademii entschto. Witap vum Lärrm, mit ara wunderbaaran Uussicht uff da See und uff dAlpa. Dar Gmaindroot vu Uetikon hätt a Tailbauortnigg schu beroota und sii an dia khantonal Bautirekhzioon witarglaitat. Wenn dar Khantoon iivarschtandan isch – und säbb isch sihhar dar Fall – khann Gmainsvarsammilig vu Uetikon villichtar no in demm Joor Beschlus fassa, daß dia Akhademii

khann bbaut wärda. Nitt nu dUetikhoonar, nai alli Schwizzar khönnand schtolz sii, und wärdand hofantli schtolz sii, wenn dia Akhademii bbaut sii wird. zGäld?? Nu, mit demm happarats no abitz. Usam Ussland isch schu a Tail zuagsicharat. Und dar Härr Corti wird au diamool nitt lugg loo. Wichtig wääri nu, daß üüsari Grooßinduschtria und Grooßbankha darfür abitz lugg löönd. Im Sinn vu abitz Pulvar ussaloo!



Bezugsquellennachweis: E. Schlatter, Neuchâtel



Der Druckfehler der Woche

Wetterbericht

Die Bevölkerung nördlich der Alpen löst sich auf. Da jedoch die Strömung in der Höhe von Neufundland bis nach Zentraleuropa anhält, bleibt die Witterung im ganzen unbeständig. — **Prognosen**, gültig bis Samstag abend: Alpennordseite, Nord- und Mittelbünden: Am Samstag vorwiegend sonnig. Abflauender Wind. Im Mittelland strichweise Morgennebel. Wallis, Engadin: Schönes Wetter. In den Bergen Nordwind. Kühle Nacht.

In der «Tat» gefunden von C. St., Zürich